

1-0608 18


14.09.2018

17-2-5254

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

14.09.2018թ.



Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Տաթևիկ Ավետիսյանի դիմումի շուրջ ստեղծված նյութերը,

Պ Ա Ր Զ Ե Ց Ի

2018թ. օգոստոսի 16-ին Երևան քաղաքի Հաղթանակ 69/7 տան բնակիչ Տաթևիկ Ավետիսյանը դիմումով հայտնել է, որ ստացել է տույժ նշանակելու մասին ԱԴ թիվ 633464 որոշումը, որի հետ համաձայն չէ, քանի որ կայացվել է անհիմն՝ առանց ապացույցների:

Դիմումի ուսումնասիրությամբ պարզվել է, որ 06.08.2018թ. ժամը 18.35-ին Երևան քաղաքի Ն.Ջարյան փողոցում «Տոյոտա» մակնիշի 35 QO 854 հաշվառման համարանիշի ավտոմոբիլի վարորդը ավտոմոբիլը կանգնեցրել է հետիոտնային անցման վրա: ՃԵԿ-ի խախտման համար Ճանապարհային ոստիկանության ՃՊԾ 1-ին սպայական գումարտակի 1-ին սպայական դասակի ավագ տեսուչ, ոստիկանության ավագ լեյտենանտ Շ.Միսկարյանի կողմից վարորդ Տ.Ավետիսյանի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 124-րդ հոդվածի 26-րդ մասի, կայացվել է ԱԴ թիվ 633464 որոշումը՝ 15.000 դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝ քաղ.Տ.Ավետիսյանը ծանուցագրի միջոցով 05.09.2018թ. հրավիրվել է Ճանապարհային ոստիկանության ՃՊԾ բաժին, սակայն չի ներկայացել:

Ճանապարհային ոստիկանության ՃՊԾ 1-ին սպայական գումարտակի 1-ին սպայական դասակի ավագ տեսուչներ, ոստիկանության մայոր Հ.Ստեփանյանը և ոստիկանության ավագ լեյտենանտ Շ.Միսկարյանը գրավոր բացատրություններով հայտնել են, որ Երևան քաղաքի Ն.Ջարյան փողոցում նկատել են, որ «Տոյոտա» մակնիշի 35 QO 854 հաշվառման համարանիշի ավտոմոբիլը կայանված է հետիոտնային անցման վրա: Վարորդին ավտոմոբիլի մոտ հրավիրելուց հետո, ավագ տեսուչ Շ.Միսկարյանը ներկայացել է, պարզաբանել իրավախախտման բնույթը և պահանջել է փաստաթղթերը: Վարորդն ընդունել է իր կողմից իրավախախտում թույլ տալու փաստը և հայտարարել է, որ ստիպված է խախտում կատարել, քանի որ կայանման տեղ չի գտել: Վերջինիս պարզաբանվել է, որ իր կողմից թույլ տված իրավախախտումը նվազ նշանակության չէ և պետք է արձանագրվի: Ավագ տեսուչ Շ.Միսկարյանը վարորդի փաստաթղթերը ստուգելուց հետո կազմվել է վարչական իրավախախտման վերաբերյալ արձանագրություն, որից հետո վերջինս ծանոթացել է

օրինակը: Ծառայողները հայտնել են նաև, որ իրավախախտումն եղել է ակնհայտ, պարզ տեսանելի, անմիջապես իրենց տեսադաշտում, ինչպես նաև ներկայացվել է իրավախախտման փաստը հավաստող լուսանկար:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Ս.Ավետիսյանի արարքում առկա է վարչական իրավախախտումների վերաբերյալ ՀՀ օրենսգրքի 124-րդ հոդվածի 26-րդ մասով նախատեսված իրավախախտման գանգակազմը, ուստի, ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Տաթևիկ Ավետիսյանի դիմումը թողնել առանց բավարարման, իսկ Ճանապարհային ոստիկանության ՃՊԾ 1-ին սպայական գումարտակի 1-ին սպայական դասակի ավագ տեսուչ, ոստիկանության ավագ լեյտենանտ Շ.Միսկարյանի կազմած վարչական իրավախախտման արձանագրության հիման վրա 2018թ. օգոստոսի 6-ին կայացրած ԱԴ թիվ 633464 որոշումը՝ Տաթևիկ Ավետիսյանին տասնհինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել Ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:


 **Ե. Կարապետյան**